

Na osnovu člana 38. Statuta Komore medicinskih sestara - tehničara Zeničko-dobojskog kantona, Skupština Komore medicinskih sestara - tehničara Zeničko-dobojskog kantona, na ____ sjednici održanoj dana 11.09.2020.godine, donosi:

P R A V I L N I K
O SADRŽAJU, ROKOVIMA I NAČINU
STRUČNOG USAVRŠAVANJA ČLANOVA KOMORE

I OPĆE ODREDBE

Član 1.

Ovim Pravilnikom utvrđuje se sadržaj, rokovi i način stručnog usavršavanja članova Komore.

Svi članovi Komore dužni su se stručno usavršavati u skladu sa odredbama ovog Pravilnika a radi sticanja uvjeta za obnavljanje odobrenja za samostalan rad.

II SADRŽAJ

Član 2.

Obrazovanje medicinskih sestara - tehničara ne prestaje završetkom studija, školovanja ili specijalizacije, edukacije nego se nastavlja kroz postupak trajnog stručnog usavršavanja u toku kojeg se obnavlja i dalje usavršavaju znanja i vještine dijagnostike i zdravstvene njege.

Član 3.

Stručno usavršavanje mora u sebi sadržavati sljedeće principe:

- dostupnost usavršavanja svim članovima Komore, što podrazumjeva uključivanje u program trajne edukacije svih sestara i tehničara.
- jedinstvene medicinske doktrine, što podrazumjeva da medicinska saznanja moraju biti svojina svih medicinskih sestara- tehničara.
- naučnu osnovanost i savremenost, što podrazumjeva da trajno usvršavanje mora biti naučno osnovana i da prenosi nova svjetska i vlastita dostignuća radi osposobljavanja sestara - tehničara prema svjetskim i Evropskim standardima,
- jednakost u usavršavanju, što podrazumjeva da svaka sestra - tehničar ima pravo izabrati sadržaj i oblik edukacije koja mu odgovara stim da ima uslove za to u smislu obrazovanja, i da ukupno prikupljeni bodovi za obnavljanje odobrenja za samostalan rad, ne mogu biti isključivo iz jednog oblika usavršavanja,
- obavezna edukacija, što podrazumjeva obavezu usavršavanje za svaku novu dijagnostičku ili terapijsku metodu koja se uvodi u praksu.
- minimum od 60 bodova kontinuirane edukacije iz oblasti zdravstvene njege u periodu od 6 godina.
- svi oblici edukacije se vrednuju prema kriterijumima utvrđenim ovim Pravilnikom

Član 4.

Stručno usavršavanje se sprovodi:

- sudjelovanjem u radu kongresa, simpozija i drugih oblika stručnih sastanaka, bilo međunarodnih ili domaćih,
- kursevima za trajno usavršavanje,
- studijskim boravcima,
- objavljivanjem članaka u stručnim i naučnim časopisima ili publikacijama.

Član 5.

Teme usavršavanja, način njihovog organiziranja i provođenja utvrđuje Komisija za stručna pitanja i stručno usavršavanje.

Član 6.

Odluku o priznavanju i kategorizaciji kurseva za trajno usavršavanje i priznavanju drugih oblika trajnog usavršavanja donosi Komisija za stručna pitanja i stručno usavršavanje.

Zahtjev za priznavanje i kategorizaciju kurseva, odnosno za priznavanje drugih oblika trajnog usavršavanja podnosi se najkasnije tri mjeseca prije njihovog održavanja.

Na osnovu dobivene odluke iz stava 1. ovog člana, organizator kursa ili drugog oblika trajnog usavršavanja, je dužan na pripremnim materijalima ili pozivima označiti vrednovanje oblika nastave u bodovima prema kriterijima utvrđenim ovim Pravilnikom.

Sa organizatorom kursa ili drugog oblika trajnog usavršavanja, Komora sklapa ugovor o međusobnim pravima i obavezama o čemu odluku donosi Upravni odbor Komore na prijedlog Komisije za stručna pitanja i stručno usavršavanje.

III ROKOVI

Član 7.

Da bi obnovio odobrenje za samostalan rad, svaka medicinska sestra- tehničar svih nivoa obrazovanja mora proći provjeru stručnosti nakon perioda od šest godina, ako nema dovoljan broj prikupljenih bodova.

Smatra se da je medicinska sestra- tehničar ispunio uvjete za obnavljanje odobrenja za samostalan rad ako je u prethodnom periodu od šest godina stekao 60 bodova.

IV NAČIN

Član 8.

Komora organizira trajno usavršavanje prema Planu stručnog usavršavanja koji donosi Komisija za stručna pitanja i stručno usavršavanje.

Izvođenje trajnog usavršavanja iz stava 1. ovog člana Komora organizira u saradnji sa profesionalnim udruženjima iz oblasti zdravstva, sa zdravstvenim fakultetima, javnim zdravstvenim ustanovama, međunarodnim organizacijama i drugim institucijama.

Predlagači kurseva mogu biti: profesionalna udruženja, nevladine organizacije, obrazovne institucije, općinska povjereništva Komore, ustanove i pojedinci.

Član 9.

Sistem bodovanja za pojedine oblike stručnog usavršavanja utvrđuje se kako slijedi:

1. sudjelovanje na kongresima

a) domaći kongres

aktivno sudjelovanje	15 bodova
pasivno sudjelovanje	10 bodova

b) međunarodni kongres

aktivno sudjelovanje	25 bodova
pasivno sudjelovanje	15 bodova

2. sudjelovanje na simpozijumima

a) domaći simpozijum

aktivno sudjelovanje	10 bodova
pasivno sudjelovanje	5 bodova

b) međunarodni simpozijum

aktivno sudjelovanje	20 bodova
pasivno sudjelovanje	10 bodova

NAPOMENA: aktivno sudjelovanje se dokumentira potvrdom o prisustvovanju i štampanim sažetkom rada, a pasivno sudjelovanje se dokumentira potvrdom o prisustvovanju.

3. sudjelovanje na kursevima, seminarima koji unapređuju znanje u struci: učenje stranih jezika, informacionih tehnologija i drugih koji doprinose opštem poboljšanju kvaliteta člana Komore

domaći kursevi

a) kurs prve kategorije (pripremljen edukacioni material + test)

predavač	20 bodova
polaznik	15 bodova

b) kurs druge kategorije (pripremljen edukacioni material)

predavač	15 bodova
polaznik	10 bodova

c) kurs treće kategorije (bez edukacionog materijala)

predavač	10 bodova
polaznik	5 bodova

međunarodni kursevi

a) kurs prve kategorije (pripremljen edukacioni material + test)

predavač	30 bodova
polaznik	20 bodova

b) kurs druge kategorije (pripremljen edukacioni materijal)

predavač	25 bodova
polaznik	15 bodova

c) kurs treće kategorije (bez edukacionog materijala)

predavač	20 bodova
polaznik	10 bodova

4. studijski boravci (u trajanju od najmanje 7 dana)

studijski boravci u zemlji, s mentorom	15 bodova
studijski boravci u inostranstvu	20 bodova

NAPOMENA: obavljeni studijski boravak se dokumentira potvrdom načelnika klinike i mentora.

5. stručni sastanci

a) stručni sastanci na odjelima Kantonalnih, Općih bolnica i u Domovima zdravlja,

predavač	5 bodova
slušać	3 boda

b) stručni sastanci klinika, sastanci zdravstvenog prosvjećivanja, rad u udruženjima (udruženje dijabetičara, bubrežnih bolesnika, itd.), volonterski rad članova

Komore uz ovjeru općinskih povjereništava.

predavač	7 bodova
slušać	4 boda

c) stručni sastanci u organizaciji ili sa odobrenjem Komore i Ljekarske komore

predavač	8 ³¹ bodova
slušać	5 bodova

d) sastanak stručnog društva

predavač	8 bodova
slušać	5 bodova

e) godišnji sastanak stručnog društva u zemlji

predavač	10 bodova
slušać	5 bodova

f) godišnji sastanak stručnog društva u inozemstvu

predavač	20 bodova
slušać	11 bodova

NAPOMENA: prisutnost stručnim sastancima dokumentira se potpisom predsjednika stručnog društva i pečatom društva, podružnice ili ustanove na posebnim obrascima.

6. publikacije

a) stručni članak objavljen u domaćem stručnom časopisu

- | | |
|--|---------------|
| prvi autor | 50 bodova |
| ostali autori ukupno | 20 bodova |
| b) stručni članak objavljen u inozemnom stručnom časopisu | |
| prvi autor | 60 bodova |
| ostali autori ukupno | 30 bodova |
| c) stručni rad objavljen u Biltenu Komora 15 bodova | |
| d) rad objavljen u Biltenu Komore koji nema karakter stručnog rada 5 bodova | |
| e) knjiga | |
| autor | 60-100 bodova |
| urednik knjige | 30 bodova |
| poglavlje | 40 bodova |

NAPOMENA: Komisija za stručna pitanja i stručno usavršavanje u svakom pojedinačnom slučaju vrednuje knjigu.

7. završeni viši stupnji Zdravstvenog fakulteta

- | | |
|--|------------|
| a) Zdravstveni fakultet VŠS | 40 bodova |
| b) Zdravstveni fakultet, dipl.med.sestra | 60 bodova |
| c) Sticanje zvanja magistra | 70 bodova |
| d) Sticanje zvanja doktora | 80 bodova. |

8. prekvalifikacija

- | | |
|--|-----------|
| a) Preusmjeravanje radnika iste stručne spreme iz jednog smjera u drugi kroz edukaciju koja traje minimalno godinu dana | 20 bodova |
| b) Preusmjeravanje radnika iste stručne spreme iz jednog smjera u drugi kroz edukaciju koja traje minimalno šest mjeseci | 10 bodova |

Član 10.

Ukoliko se desi da medicinska sestra- tehničar iz objektivnih razloga (bolest, porodijsko odsustvo, obaveze prema državnih organima i dr.) bude odsutan najmanje 6 mjeseci, što će dokumentovati odgovarajućom potvrdom iz matične radne organizacije, dužina trajanja licence – odobrenja za samostalan rad se prolongira za period odsustvovanja.

Ukoliko se desi da medicinska sestra- tehničar ne uspije sakupiti dovoljan broj bodova za obnavljanje licence, mora pristupiti provjeri znanja pred Ispitnom komisijom, prema posebnom ispitnom programu.

Ispitna komisija broji 3 člana i imenuje je Komisija za stručna pitanja i stručno usavršavanje.

Ispitni program utvrđuje Komisija za stručna pitanja i stručno usavršavanje i mora biti prilagođen nivou obrazovanja pod kojim je medicinska sestra- tehničar prijavljen u Komori.

Medicinska sestra- tehničar na ime naknade za provjeru znanja dužan je platiti iznos od 50 KM za prvu provjeru ili 100 KM za drugu provjeru znanja, nakon isteka licence.

Komisija za stručna pitanja i stručno usavršavanje je dužna, u roku od 30 dana od dana održavanja prve provjere znanja, organizovati drugu, za sve medicinske sestre- tehničare svih nivoa obrazovanja, koji ne ostvare zadovoljavajući nivo tačnih odgovora na prvoj provjeri.

Komisija za stručna pitanja i stručno usavršavanje provjeru znanja organizuje van radnog vremena tj.poslije 15 h.

V PRELAZNE I ZAVRŠNE ODREDBE

Član 11.

Medicinska sestra- tehničar je dužan podnijeti Komori dokaze o stručnom usavršavanju najkasnije tri mjeseca prije isteka roka od šest godina od dobivanja odobrenja za samostalan rad ili obnavljanja odobrenja za samostalan rad.

Dokazi o ispunjavanju uvjeta (potvrde, fotokopije objavljenih članaka i drugo) moraju biti u skladu sa kriterijima utvrđenim ovim Pravilnikom.

Član 12.

Ovaj Pravilnik stupa na snagu danom donošenja.

Član 13.

Stupanjem na snagu ovog Pravilnika prestaje da važi Pravilnik o sadržaju, rokovima i načinu stručnog usavršavanja članova Komore zdravstvenih tehničara Zeničko-dobojskog kantona od 20.03.2000.godine, 2.06.2004.godine, 7.06.2006.godine, 12.06.2008.godine, 23.04.2009.godine, 25.04.2011. godine i broj:01/1-128/12 od 19.04.2012.godine.



Predsjedavajući Skupštine Komore

Poljac Jug, dipl.med teh

Brpj: 01-18/20

Datum: 11.09.2020